

Soek jy 'n fantastiese tutor?

www.teachme2.com/matriek





basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LWASEKHAYA (HL)

IPHEPHA LESITHATHU (P3)

NOVEMBA 2023

AMANQAKU: 100

IXESHA: liyure 3

Olu viwo lunamaphepha ama-5.

IMIYALELO NENGACISO

1. Eli phepha LINAMACANDELO AMABINI:

ICANDELO A: Isincoko (50)

ICANDELO B: Imihlathi (2 x 25) (50)

2. Phendula umbuzo ubeMNYE kwiCANDELO A, kunye nemibuzo emiBINI kwiCANDELO B.
3. Bhala ngolwimi ohlolwa ngalo.
4. Qala ICANDELO ngaLINYE kwiphepha ELITSHA.
5. Kunyanzelekile ukuba ucwangcise (usebenzisa isazobe/iflowutshathi/amagama angundoqo, njl.njl), uhlele uze uwufundisise umsebenzi wakho. Qala ngokucwangcisa PHAMBI kokuba ubhale izincoko nemihlathi.
6. Lonke uyilo maluphawulwe ngokucacileyo. Kuyacetyiswa ukuba ukrwele umgca onqumlayo ukuba uthe walwenza.
7. Uyacetyiswa ukuba ulabe ixesha ngolu hlobo:
- ICANDELO A: Malunga nemizuzu engama-100
- ICANDELO B: Malunga nemizuzu engama-(2 x 40) 80
8. Nombola iimpendulo ngokuchanekileyo ngendlela ekunonjolwe ngayo kwiphepha lemibuzo.
9. Masingathathelwa ngqalelo isihloko xa kubalwa inani lamagama.
10. Bhala ngokucocekileyo nangokucacileyo.

ICANDELO A: IZINCOKO

Khetha isihloko sibesiNYE kwezi zilandelayo ubhale ngaso. Bhala amagama angama-340–390.

UMBUZO 1

- | | | |
|-----|------------------------------------------------------------------------|------|
| 1.1 | Ndabhaqa imfihlelo yekhaya, batshintsha ubomi bam | [50] |
| 1.2 | Akalibaleki. Isatsho nangoku ezindlebeni eyokugqibela kwezakhe iingoma | [50] |
| 1.3 | Waphela nyakandini kaz' ba omtsha uphethe ntoni | [50] |
| 1.4 | Imbila yaswel' umsila ngokuyalezela | [50] |
| 1.5 | Ukuzityand' igila kumhlobo kuluncedo kodwa ... | [50] |
| 1.6 | Ukupheliswa kweeholide zesikolo kungalunga | [50] |

Khetha umfanekiso ube MNYE kule ingezantsi ubhale isincoko. Bhala inombolo yombuzo (1.7 OKANYE 1.8). Nika isincoko sakho isihloko esifanelekileyo.

QAPHELA: Makubekho ukuzalana okucacileyo phakathi kwesincoko nomfanekiso owukhethileyo.

1.7



[Ucatshulwe kwi-intanethi: <https://www.google.com/search=agriculture+images>]

[50]

1.8



[Uthathwe kuwww.abc24.in%2Flifestyle%2Fmerry-christmas-2021-wishes.com]

[50]

AMANQAKU ECANDELO A: 50

ICANDELO B: IMIHLATHI

Khetha imihlathi ibemiBINI kule ilandelayo uze ubhale ngayo. Bhala amagama ali-100–120 (umxholo kuphela).

UMBUZO 2**2.1 ILETA YOBUHLOBO**

Bhalela umhlobo wakho ileta umbulele ngokutyala umoya wenkqubela phambili kumntu othe wasondela kuye.

[25]**2.2 ILETA ESESIKWENI**

Bhala ileta eya kusihlalo wekomiti yethala leencwadi lesikolo sakho uncome amalinge enziwe yikomiti nathe anesiphumo sokuba ithala leencwadi liphuphume ngabafundi, kubuyiselwe neencwadi ebezingasabuyi, de kwancumisa neziphumo zekota yokugqibela.

[25]**2.3 I-OBHITSHUWARI**

Bhala i-obhitshuwari kaSomashishini obexhasa uphuhliso lwengingqi yakho.

[25]**2.4 UDLIWANONDLIBE**

UnguBuntu, bhala udliwanondlebe olujonge ukufumana ulwazi kuSiya ngohlobo lweeteki azithengisayo.

[25]**2.5 INQAKU LEMAGAZINI**

Kwikhasi lika*Facebook* u '*Iyanditya le nto*', kuvela abantu abachaneke ngenxa yendlela abakhetha ngayo abahlobo.

Bhala inqaku lemagazini njengomlandeli weli khasi, ucebise abantu ngendlela yokukhetha abahlobo.

[25]**2.6 INGXELO ESESIKWENI**

Isikolo senu sifuna ukuvala isifundo sezolimo nemfuyo. Ningabafundi besi sifundo nenze uphando ngeendlela esi sifundo esisisombululo ngazo kwiphulo lokukhulisa ezoqoqosho.

Bhala ingxelo eya kwiQumrhu elilawula isikolo (*SGB*) unike iziphumo zolu phando.

[25]**AMANQAKU ECANDELO B:****50****AMANQAKU EWONKE:****100**